



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Gasparis Barzaei Belgae E Societate Iesv: B. Xaverii
In India Socij**

Trigault, Nicolas

Coloniae, 1611

IV. In Indiam destinatur.

urn:nbn:de:hbz:466:1-45183

vnà cum caractere sui quoque muneris obeundi gratia fuisse donatū. Siquidem & conciones felicius eueniebant, & quidquid deerat, ingenti animarum zelo facilè compensabatur. His initijs suis ad quantam dicendi facultatem ascenderit, posterius apparebit.

CAPVT IV.

In Indiam destinatur.

PRimitias huius tanti spiritus, secundò post sacerdotium susceptum anno, oppida in Lusitania duo prægustarunt, Figueiro & Pedroga, Conimbrica quatuor quinqueve leucis distantia, & inde Olyssiponam euntibus ad sinistram sita. Eò P. Simon P. Gasparem ex nostræ Societatis instituto miserat: ibique doctrinæ Christianæ capita explicare, concionari, confessiones excipere, in quibus postea ita exceluit, est aggressus, tanto fructu, vt in hæc vsque tempora memoria in hominum ore perduraret. Dum istic frugem facit, Deus, qui alio tantum
lumen

lumen destinarat, & durioribus animis excolendis præpararat, Superioribus eam mentem ingerit, ve nauigatione proximè appetente, in Indiam cum alijs aliquot amandaretur. Itaque visus est ab ea occupatione reuocandus, in qua suffectus illi P. Ludouicus Gonzalez, qui deinde Sebastiani Regis magister fuit, insigni virtute vir, ac modestia imprimis & sui despectu eximius. Nam cum mandato P. Simonis, Rectoris munere Conimbricæ functus esset, illud propensa voluntate cum coqui officio commutarat, & iam aliquamdiu sedulo cum magna animi sui voluptate obiuerat, cum rursus inde ad Gaspari succedendum euocatur. Profectus ille ad Gasparem, Figueiro redeuntem & Pedrogam petentem obuium habet; nunciat ei domum redeundam. Mox ille quorsum mi Pater? in Indiam se vocari ut intellexit, obstupuit primo; at postquam se collegisset, gestire gaudio, in terram se abijcere, immor-

immortales Deo ante omnia gratias agere cepit: inde ad Patrem conuersus, tam lati nuntij baiulo grates omnes quas potuit persoluit, cum eo paciscens, vt merita omnia in reliquã vitam, quam optima ratioe possent, forent cõmunia. Inde P. Ludouico Gonzalez comite ceptum iter profèquitur, ea quæ iam præ manibus habebat, ante reditum perfecturus.

Ac mirũ est, non ex itinere mox dõmum rediisse, vt hoc suum gaudium, quod capere animo nõ poterat, in ceteros fratres cõgratulasuros partiretur: sed nimirũ hos animi leuantis motus spes proxima frugis de proximis colligendæ temperabat. Pedrogã vbi peruenit, mox campano ære concionẽ cogit, ad quam eo ardore verba facit, quo credibile est hominem ita permotum facere potuisse. Nã habet tantos aliquãdo diuina gratia impetus, potissimum si ad res arduas vocet, vt hominẽ propè extra se rapiat. Ego sanè mallem, quod sensit Gaspar, experiri, quam eius animi motum rudioribus
his

his lineamentis adumbrare iam ille sibi in India esse videbatur, iam ad Brachmanes dicere, vel in media Iaponia, aut China, aut inter Abyssinos; quæ ille loca iam diu spe conversionis deuorarat. Sub extremam concionem auditoribus se ad peccata eorum poenitentiae Sacramento expianda obtulit: fore hoc laborum suorum gratissimum stipendiũ & munus abeuntis, animæ cuiusque suam vi Sacramentorum restituere puritatem. Extemplò è pulpito ad sedem huic muneri deputatam pergit, eos qui se obtulerint auditurus: ac subito (tantus fuerat in animis audientium motus excitatus) poenitentibus gratissima vndique obsidione cingitur, & succedentibus inuicem alijs atque alijs, diem reliquum totum, cum tota nocte insequenti, ad decimam vsque diei sequentis horam, continuò confitentium concursu continuat, cibi omnino ac somni immemor. Totis enim illis 18. aut 20. ferè horis nec semel affurgens, nec oculos sopori per-

*Feruo
in signis.*

permittens ita permansit, vt licet pridie pedes venisset, magna contentione verba fecisset, absque vlla refectione perseueraret ad decimā, vt dixi, sequentis horam: cum diuinum officium recitaturus, missam facturus, & suis poenitentibus caelestem panem præbiturus assurrexit. His ipse tolerantiaē suæ faciebat periculum, & iam tum ad magnos illos Indiaē labores præludebat. Hinc deinde P. Ludouico Gonzalez reliquis, quæ agenda supererant, commendatis, Conimbricam in Indica cogitatione defixus, Februarij 18. cum in ea missione ab octana Ianuarij mensē ac decem dies posuisset, regreditur, vbi non minores dedit exultantis animi demonstrationes, nisi quod iam quodammodo prælibato gaudio, res minus noua sibi cæterisque videretur. Biduò post 20. Februarij à carissimis fratribus non sine lacrymis Conimbrica digressus Olyssiponam cum socijs (nam alij quattuor, Balthasar Gagus, Baretus, Emmanuel Vaaz, & Ludo-

Ludo-

Ludouicus Froez Olyssiponæ iam
 eos præstolabantur) in D. Antonij,
 quæ tum erat Societatis domus, quâ
 Residentiam vocamus, nunc verò
 Collegium est; peruenit: vbi dum
 nauigationis tempus expectat, fer-
 uore suo nostros omnes magna spe
 compleuit, magnum aliquem vineę
 Dominicæ cultorem in Indiam na-
 uigare.

CAPVT V.

Gaspar in Indiam soluit.

INSANAM illam, vt nonnulli
 vocant, in Indiam nauigatio-
 nem aggressurus Gaspar, in D.
 Antonij domo accuratè sibi nauti-
 cum commeatum compararat; non
 illum quidem, qui corporis necessi-
 tati deseruit (hac enim sollicitudi-
 ne prouida rectorum cura suos li-
 berat) sed eum, qui frequentia ora-
 tionis, ac cætera pietatis exercita-
 tione acquiritur & perdurat. Post-
 quam igitur ab eo instructus esset,
 Olyssipone Patrum iucundissima
 stipatus corona egreditur. quæ in

COITI